

史料旬刊

第一期


山陰縣志

卷之二

中華民國十九年六月一日出版

史料旬刊第一期

編輯所 故宮博物院文獻館
 發行所 神武門外發售室
 印刷所 京華印書局



價目表		郵費	
每旬一冊	四角	外埠	每期一角
預定半年十八冊	六元五角	外	每期二角
預定全年三十六冊	十二元	本院發寄刊物均交郵局掛號遞送以免遺失	
本市 商務印書館 中華書局 上海 文明書局 世界書局及 天津 其他各大書店均有代售			

冊數	售價

故宮博物院史料旬刊發刊前記

本院文獻館所藏各種檔案多屬有清一代之重要史料其中凡可以單行成書或類聚多數文件加以系統整理者已就其性質類別分別編印文獻叢編及叢書行世惟是貯藏浩繁整理需時倘僅恃叢編叢書兩種刊物發表惟恐時日稽遲數量微少不足以饜海內學者之渴望茲特加出史料旬刊一種以輔叢編之不及凡屬有關文獻可供考徵者隨時發見即行刊布片鱗隻爪兼容並納每案自成段落使閱者以後可以彙訂成編每頁後方各列號碼以備引用之稽考至於前面特空頁數以備閱者將各案彙訂時自己填寫雖與文獻叢編並行而體裁各異幸閱者注意焉

史料旬刊第一期目錄

雍正安南勘界案 原件藏三所

(一) 高其倬摺一

(二) 高其倬摺二

(三) 阿克敦摺一

(四) 阿克敦摺二

(五) 阿克敦摺三

(六) 杭奕祿摺

(七) 阿克敦摺四

王原圻上年義堯書 原件藏三所

康熙乙未會試科場案 原件藏三所

高成齡 奏散佈偽劄犯口供摺 原件藏三所

李梅等散佈偽劄案 原件藏三所

(一) 郝玉麟摺一

二二 傅泰摺

（三）金鉗摺一

(四) 金鉗摺一

(五) 金鉗摺三

(六)沈廷正摺

(七) 郝玉麟摺一

(八) 郝玉麟摺三

(九)高其倬摺

(十) 金鉗摺四

焦祈年奏拿獲散佈僞劄原件藏三所

趙弘恩趙國麟奏禁止邪教摺 原件藏三所

雍正安南勘界案

高其倬摺

雲貴總督臣高其倬謹奏爲奏聞事臣前欽奉到皇上諭安南國王諭旨一道臣已遣差賫捧至安南境上交付又臣另行遴委廣南府知府潘允敏前往開化會勘交界并咨安南國王亦遣員訂期會同查勘各情節俱業經臣具摺奏明今安南國王已遣陪臣恭迎敬請諭旨到彼國并遣陪臣胡丕績武公宰前來會勘已到境上廣南知府潘允敏亦經前往會同查勘所有情節臣謹繕摺奏聞雍正三年十一月十二日

高其倬摺二

浙閩總督臣高其倬謹奏爲請清舊界以正內外封疆事雲南開化府南與交趾隣界臣前查出自開化府馬伯汛外四十里至鉛廠山下小河內有逢春里六寨冊載秋糧十二石有餘且有芹菜塘昔日塘房基址足據於康熙二十二年失去遂入於交趾應行清查再查雲南通志開載自開化府南二百四十里

至睹咒河與交趾爲界今自開化府南至現在之馬伯汛止有一百二十里即至鉛廠山下小河亦止一百六十里是鉛廠山下小河以外尙有八十里亦係雲南舊境雖失在明朝但封疆所係亦請一併清查繕摺具奏欽奉硃批境界失自明朝者恩免清查令臣另議立界臣謹欽遵聖諭移咨安南國王其自鉛廠山下小河以外之境宣播皇仁畀與安南不復清查外其鉛廠山下小河以內四十里之境事在本朝臣謹委廣南府知府潘允敏會同安南國王所遣之員秉公確查立界以清封疆隨據廣南府知府潘允敏詳報卑府雖將地志糧冊種種的據反覆與安南委員詳議無如該員堅稱此地是伊國舊境不卽秉公議覆立界等因前來臣查此四十里之疆界既有誌書可憑又有糧冊炳據且事在本朝且六寨之人現皆衣窄袖之衣尤爲可證今安南不卽清還雖皇上天覆地載子育萬國但臣職任封疆難容久棄外域今雖調任浙閩難容緘默伏乞皇上諭令現任督臣畀安南速行清還則內外之境截然邊方永息紛競之擾矣臣謹繕摺請旨謹奏雍正四年三月十二日

阿克敦摺一

臣阿克敦謹奏臣於本年五月初六日跪請聖訓蒙皇上交下廣西提臣韓良輔奏摺二件地圖三幅其所奏鎮安奉議事宜一摺二圖臣到廣之後卽恭錄上諭同原摺地圖移送韓良輔并將上諭底稿恭封呈繳在案至所奏三不要地方一摺一圖臣在京時已遵旨問過高其倬據高其倬稱此非緊要之事應仍照舊及臣於六月二十八日到廣東三水縣地方督臣孔毓珣來請聖安臣即遵旨將奏摺地圖與看孔毓珣亦稱無關緊要隨持往肇慶任所續據孔毓珣咨送原摺地圖併所議略節到臣據稱已於欽奉上諭清查邊界案內批飭兩省文武秉公確勘定議詳奪在案應俟會勘明確畫一定議到日公同酌定會題等語合將孔毓珣所開略節錄呈御覽并欽交提臣韓良輔奏摺一件恭封呈繳其地圖一幅另裝夾板合併聲明謹奏雍正四年八月初一日

硃批知道了

阿克敦摺二

臣阿克敦謹奏竊臣於本年閏三月內接淮安南國王黎維禔爲清理疆界一

事實到奏本東文隨遵旨將奏本發還併繕摺將原行東文封呈御覽茲雲南督臣鄂爾泰咨稱據安南國守關土目稟稱曾奉該國王文因雲南總督將所奏本章發回復行文申飭此後雲南公文一概不接卽有敕書亦仍送至廣省大路等語並將進剿事宜咨會廣西撫提二臣抄送督臣孔毓珣轉咨到臣臣思安南叢爾小國北與廣西接壤而雲南控其西廣東扼其東我皇上天威遠播彼何敢抗違自干重罪況該國素昭恭順業經督臣孔毓珣行文詰責自必具疏謝罪萬無用兵之理但旣准咨會用兵之事不可不預爲籌畫除調遣官兵聽督臣孔毓珣料理船隻器械俱係齊備臣查廣東附近安南者高雷廉瓊四府今歲豐熟軍糴有餘復密飭布政使官達將四府應解藩庫錢糧暫存府庫火藥等項密飭該管同知王士銓加謹脩整統俟雲南咨會到日酌量會核請旨施行謹此先行奏聞雍正五年十月二十八日

硃批兵自然是不用的

阿克敦摺三

臣阿克敦謹奏竊臣於雍正五年十一月二十四日到廣西省城二十五日准

原任撫臣韓良輔將伊條奏左江右江等處地方土司事宜一摺面交臣看臣跪讀硃批諭旨此數事不可欲洗前羞急奮亂爲所關甚巨過猶不及也大事既定當次第緩爲者何必急爲此數事與田峻孔毓珣商酌無益恐有過不及應行者當密字與鄂爾泰商酌必能合中目今安南似有小事尙未定朕意當緩者緩爲爲上阿克敦到來將此摺亦密與看你動身後恐不知朕意孟浪舉行也欽此仰見皇上聖明無遠不照無微不至惟凜遵訓諭竭力奉行所有看過硃批韓良輔奏摺緣由謹此奏聞雍正五年十二月初九日

硃批知道了

杭奕祿摺

臣杭奕祿臣任蘭枝謹奏爲奏聞事臣等蒙皇上差遣於十二月初三日抵雲南省城卽將頒發勅諭三道與督臣鄂爾泰恭閱隨將臣等所奉聖訓并傳諭督臣之旨備細述知據督臣鄂爾泰稱本年十一月初六日安南國恭遣陪臣虔設龍亭儀仗九叩山呼將前所頒勅諭祇領訖業經具摺奏聞又稱十二月

初二日奉到硃批觀此光景欽差亦可不必遣之旨臣等伏思安南疆界一事屢蒙皇上天地覆載之恩始則另議立界繼復疊沛溫綸誠屬仁之至義之盡今業經祇領勅書備極恭敬雖侵越之罪自不敢承而懾服之誠實已畢露臣等與督臣鄂爾泰伏繹皇上欽差亦可不必遣之旨仰見聖明睿慮周詳德威兼至誠爲盡善盡神臣等既不便前往安南亦無庸再赴粵西卽在滇省暫住聽候督臣十一月十一日所奏安南迎請勅書一摺回滇依旨遵行理合具摺奏聞臣杭奕祿臣任蘭枝謹奏雍正五年十二月十三日

硃批已明諭鄂爾泰矣

阿克敦摺四

臣阿克敦謹奏雍正六年四月初三日准雲南督臣鄂爾泰咨稱欽差擬由廣西進安南等因前來臣隨據咨知會安南國併飭委左江道閻純璽就近料理護送一切事宜去後四月二十四日據左江道閻純璽報稱欽差已於四月十九日抵南甯府併送到安南王東文一封內稱本國感戴天恩喜踰望外隨委

員目迎接天使第今溽暑熏灼蠻烟蠻雨跋涉最難俟初秋瘴嵐消霽往諒山界首迎接大人等語臣查該國感沐天恩欣喜歡悅所稱俟初秋瘴嵐消霽之處似非虛飾況天使按臨必預備齊全方能成禮故特請寬期未便催促當將欽差已抵南甯日期知會安南并抄錄安南柬文及知會安南情節移咨欽差副都御史臣杭奕祿內閣學士臣任蘭枝在案四月二十七日又據左江道閻純璽報稱欽差面諭奉有勅諭斷難久待已令本道就近行文安南等語但往回尙需時日俟該國迎接到關另行具奏外所有欽差暫駐南甯等候緣由合先奏聞併該國來柬恭呈御覽謹奏雍正六年五月初九日

王原圻上年羹堯書

此書舊存懋勤殿檔案中原包註明年羹堯案內之件按王原圻初授四川建始縣知縣未及赴任經年羹堯檄調到省（見雍正三年岳鍾琪奏報）其時約在康熙五十年後至雍正元年原圻有上年太保書一通三年四月年羹堯獲罪書遂入官八月岳鍾琪奏請將王原圻留幕辦事硃批「是朕見此人上太保年公書想來是有力量的」云云今將原書錄刊於下

上年太保書 雍正元年臘月

昔人有云國士目我我以國士報之千載而下聞斯言者莫不神動然究其所以報之之術不過奮不顧身捐糜踵頂於時移事去之後而當其平日曾不能計安危慮終始規所事以持滿之道而匡乃失於極盛之時然則彼所謂國士之目亦不過世俗提挈之榮耳豈果好之以緇衣而珍之於席上哉若明公之於末掾圻則有絕異者明公天挺英哲資兼文武識居天下之先才出一代之上海內之士智勇辨力之材鳬躍鱗集至乎前而無不自屈以服圻江左之少年而簿書之下吏也未假片言之先容無左右之稱譽貿貿然持手版而謁於

軍門軍門之外文武將吏無慮數百望清塵仰末光奉一言一笑則榮幸得未曾有而圻至疎且賤也一見而拔出儔伍留之麾下繼此亦未常無薦圻之人實不過仰窺意旨巧相承奉非果有知人之識與汲引之心也迨蒙委以書記之任禮遇埒於大僚推信逾於親近公府內外咸加敬異全蜀僚采罔不嘆羨是圻雖不足當席上之珍而明公雅有緇衣之好矣圻自顧譴劣莫能仰報且愧且懼中夜徬徨竊念君子愛人以德細民之愛人以姑息義固有相反而相成道亦有軼出而同途者傳曰和如羹同如濟水故士之忠于所事弼謀爲上拾遺補闕次之若義缺匡正而但於聲勢烜赫時奔走承順即事後有捐軀之節亦不免胥溺之譏其烏足以副特達之知而盡所謂國士之報哉夫以明公綜攬羣策蒞楹施厲莫不取其長而當其任幕下不患無才也所少者獻替之人骨鯁之節耳如某者百無所施惟有因事效忠竭其一得或可稍佐高深之萬一乃自庚子秋冬以後雖日在幕間而爲左右所扼不能時時望見顏色故以秦省流亡之事上書數千言直至辛丑四月輶車北上圻祖送漢州之逆旅跪陳時務數事道秦民之急述蜀民之疲明公不罪其狂愚反加採納及自

都旋蜀因聞李守負恩扼腕太息語圻以知人之難圻以往事者將來之鑒戒意蓋謂現在之李守正復不少乃明公不加麾斥慨然許圻爲切磋琢磨之人又語塞公以平日不目圻爲屬員而待之以友誼凡此皆自古名賢不能輕得之於所事者以某之譴劣獨能得之於明公用是益媿且懼以爲此誠國士之遇則某之所以仰報者當有以副明公之厚期而形迹之見功罪之論皆在所不計矣是以留佐中丞塞公時凡平日意所欲言於我公及言之而未見聽者毅然白於中丞罷且行之而無疑夫爲政之道張弛各以其時方明公之制蜀也戎狡啓疆軍興旁午勢不能不悉索敝賦以遂雄圖於此時而言咻煦務蠲省則財乏力詘何以伸威絕域成者定之功哉迨我武旣揚西藏克復明公慨然念西南民力旣竭方擬假入覲之便以蠲貸爲請是川蜀凋敝之情形在我公意中久矣竊計旌節重來調絃更張則所以咻煦蠲省以培全蜀之元氣者當必過於中丞之所爲然則中丞所爲其於明公事若相反而義實相成迹若軼出而道實同途某以區區之愚贊而成之以紓民力者報明公自謂善繼公志而可告無罪者也讒佞之人妬某之遭掇拾形迹而加之媒蘖謂中丞之政